

## 御制日下旧闻考题词二首

### 第一章书缘起

### 第二章书自傲

重考彝尊书以成，七言权当序而行。名因日下荀鸣鹤，迹逮春明孙北平（朱彝尊所编《日下旧闻》据拾载籍及金石遗文，分为十三门、四十二卷，颇为综核，与北平孙承泽所著《春明梦余录》七十卷，均有裨于帝都考证。但其书不免挂漏清讹，因命馆臣重加订正，其《春明梦余录》内所载，亦间采辑）。挂漏岂无补所阙？淆讹时有校从精。百年熙皞繁文物（朱彝尊书成于康熙二十七年，今又及百年，太平熙皞，民物繁昌。自宫殿、城市改置添建，复编增为十五门，成书一百六十卷，名曰《日下旧闻考》），似胜《三都》及《两京》。

曾赋《皇都》与《帝都》（癸酉年曾赋《皇都》《帝都》诗两篇。《帝都》诗言自古建都之地，莫过燕京之据形胜。《皇都》诗言今燕京体大物博，户口繁滋），若兹形胜古今无。金迁元复其久矣（自金天德中迁都燕城，号中都，元至元间改名大都。明自金陵迁于北京，我朝因之。然其城郭、宫殿凡数迁移，率非金源之旧矣），明筑清修滋盛乎。御苑法宫诚富此，返淳还朴益殷吾。论成知过渊衷写（予临御四十余年，凡京师坛庙、宫殿、城郭、河渠、苑囿、街署，莫不修整。皆物给价，工给值。然究以频兴工作引为己过。辛丑岁曾著《知过论》以自箴），更励聪听奕叶图。

臣董浩奉敕敬书

### 总 裁

原任经筵讲官太子太保文华殿大学士翰林院掌院学士兼管户部事务

世袭一等轻车都尉 于敏中

经筵讲官太子太保东阁大学士兼刑部尚书 英 廉

经筵讲官太子太保户部尚书兼管步军统领事务世袭三等轻车都尉 和 珅

经筵讲官太子少保户部尚书 梁国治

经筵讲官礼部尚书 德 保

内阁学士兼礼部侍郎今任工部尚书 刘 墉

原任刑部侍郎 钱汝诚

### 督 办

太子太保文渊阁提举阁事兵部尚书额駙公 福隆安

刑部尚书兼管顺天府府尹事 胡季堂

户部侍郎兼管顺天府府尹事今任总督仓场户部右侍郎世袭一等轻车都尉 蒋赐荣

原任顺天府府尹改授光禄寺卿 刘纯炜

### 总 纂

宗人府府丞今提督浙江学政 窦光鼐

原任编修 朱 筠

日讲起居注官文渊阁校理翰林院侍读 张 焘

监察御史 许宝善

编修 蔡廷衡

### 纂 修

编修提督贵州学政 潘曾起

编修 吴锡麒

编修 关 槐

编修 陆伯焜

监察御史今任工科掌印给事中 戈 源

户部主事 孔继涵

原任户部员外郎升贵州粮驿道 德 隆

原任刑部郎中 宋调元

### 校 录

候选州同 任兆鲸

进士候选知县 赵大淮

进士候选知县 单可瑾

进士候选知县 赵 雯

举人候选内阁中书 叶元符

举人候选知县 李传燮

### 誊录兼校录

举人候选知县 顾 超

### 誊 录

中书科中书 丁 嘉

候选布政司经历 陆光洙

候选盐大使 唐懋修

候选布政司经历 邝振南

候选县丞 吴曙云

候选县丞 秦 泰

候选州同 池大经

候选州同 陶闻溥

候选州同 汪人瑞

举人候选知县 叶庭和

候选县丞 陆昌曾

候选县丞 黄 珩

候选县丞 董光骥

## 日下旧闻考凡例

一、朱彝尊原本分星土、世纪、形胜、宫室、城市、郊垌、京畿、侨治、边障、户版、风俗、物产、杂缀十三门，掌列眉分，颇称详赡，应各仍旧目。惟城市门首标《京城总纪》《皇城》各卷。又，各官衙署原本载入城市门。国朝官府建置视前代更昭美备，又八旗内务府各衙门均属创设，谨别立“官署”一门，以原有各条移入新分门目，而以现在体制增载于后。又，城西玉泉、香山等处，原本俱列入郊垌门，今西郊为御园胜地，谨别立“苑囿”一门，用崇規制。

一、神京古迹纷罗，流传多舛。恭读御制诗文，凡订讹纪实诸篇，无不折衷至当，炳若日星。今遵旨，凡原文并增载及三抬、双抬、单抬写者俱顶格，原按及新增按语俱低二格。凡有圣祖仁皇帝御制诗文、世宗宪皇帝御制诗文、我皇上御制诗文，内有因地作记、因事立碑、因物成咏者，谨分门录载。

一、朱彝尊原本援引该洽，而征采既多，难免遗漏。今将原本所引各仍其旧，而以现在援据补入者续编于后。凡朱彝尊原引则加一“原”字于上，朱昆田补遗者则加一“补”字于上，其新行添入者则加一“增”字于上，逐条标识，以期一目了然。

一、凡朱彝尊原有按语，以“朱彝尊原按”五字标首，其现加考证按语，则用“臣等谨按”四字别之。

一、原本各门内有编次参错，体例不符，如明代坊巷俱入城市门，而辽、金、元坊巷名目乃载入宫室门之类，殊未画一，俱应详核改正。其他应行移改之处尚多。谨拟凡自他门移入者，俱于各条下用小字注明原在某门今移改字样，庶彼此参核，较为详密。

一、宫室一门，惟辽、金故宫在今都城西南，遗迹已湮，祇应胪列旧名以备考证，其元、明宫室，实本朝营建所因，自应分晰缕载。谨照官史，将今制逐一载入，仍加按证明。

一、原本城市门内所列坊巷街衢，俱据明张爵所编《五城坊巷胡同集》叙次，但现在五城界址隶属已各不同，而坊铺之制亦多更改，谨将城市一门悉以现今五城界册为准。如原本在中城而今应归入东城、原本在南城而今应归入中城者，即将原引各条移入现隶本城之下，庶考订咸归确实。

一、原本所引各条内，如有原书舛误及考据失实应行驳正者，谨将现在考证各书增入，仍别加按语。如本无旧书可据者，则将现在情形据实详识。

一、古迹内凡昔有今无，如慈仁寺双松之类，俱加按注明。其有旧在他处今经移置，如承光殿玉瓮、觉生寺大钟之类，则将原引之书载入新移之地。其物虽移置而寺庙尚仍其旧者，则于寺庙本条内注明今移某处，详见某门字样，令前后详略互见，以资参考。

一、原本寺观现存、已废、改建、重建者，均于各本条下注明，俾今昔了如指掌。

一、京畿一门原本系按顺天府所属州县次第编排，自当各仍其旧，惟地方沿革随时异宜，其增损分析之处，均应考订增入。今拟以现今顺天府属地方为准，其名山、河道有与昔日情形异者，俱加按详考。至遵化、玉田、丰润三属今已别为遵化直隶州，不隶顺天，谨附编《京畿》卷后。

一、金石碑碣有原本未载者，今俱为增辑。

一、原书之末附《石鼓考》三卷，专叙猎碣源流。今石鼓现列成均，似不应专为标目，谨移入官署门国子监条下，以归画一。

一、原书取材欲博，不无泛滥，如，因叙兵部官署而兼及于当时谚语，因叙国子监而兼及于许衡教法，因叙悯忠寺而兼及于谢枋得赐谥本末，今拟似此类者俱改用双行小字，附存各条之后，以为区别，庶不致混淆。

一、原本所引昔人诗赋、序记之属，颇伤繁冗，谨拟择其中无用者酌加删汰。其有名人著作可资考证而未经采择者，亦间为酌增，俱用双行小字附入各条之下。

一、书内辽、金、元人、地、官名，除诗词限于平仄不改外，余俱恭照《钦定三史语解》改正，仍依例于初见处注明音义及原作某某今译改字样，并于卷末列译语总目，用资考证。

一、朱昆田所撰补遗，原本俱附于各卷之后，谨拟各按门类散入本条之下，庶几编次有伦，而检阅亦便。其有原按语者，亦加“朱昆田原按”以别之。

一、朱彝尊原书有姜宸英、徐元文、高士奇、张鹏、冯溥五人序及朱彝尊自序，今俱移载卷末。其王原书后语，原本误置卷首，谨一体录次于后。

## 日下旧闻考进表

经筵讲官太子太保东阁大学士兼管刑部尚书事署翰林院掌院学士臣英廉等奉敕编纂《日下旧闻考》成书，谨奉表上进者。伏以辰居星拱，经天曜帝座之垣；皇极畴敷，括地

志神畿之府。考山川而陈风俗,承平统一车书;彰文物而纪声明,首善先详輶轂。盖九州赤县,尽圣朝无外之规模;而三辅黄图,为王者宅中之都会。正体裁于竹素,博闻资广见重研;考掌故于芸缃,旧帙待新编益焕。瞻云就日,近光轴石室之书;索献征文,数典壮金台之色。广轮式廓,载籍增辉。臣等诚欢诚忭,稽首顿首上言:窃惟星分析木,垣市开疆;地访空桐,戴匡映极。涿鹿陈云师之战,指南而轩帝成都;烛龙曜日御之乡,宅朔则陶唐命职。禹乘四载,首冀方而畿甸宜尊;商宅五邦,近亳邑而幽并遂合。周室下车之始,封锡薊丘;姬宗列爵以来,强推燕国。召棠勿剪以分藩,邹黍生温而吹律。上谷列三边之郡,创始嬴秦;广阳筑万载之宫,迹荒炎汉。幕南庭启,僭名铜马之门;代北兵精,威壮卢龙之塞。九万人唐军瀛莫,节镇沿隋;十六州晋割燕云,版章隘宋。耶律会同之世,始建城隍;金源天德之时,增修宫室。迨元大都之设,尚尊总管之名;迄明继世以还,遂正京师之号。盖其神皋形胜,天府膏腴,扼四塞以居中,处上游而驭远。郁钟王气,龙盘凤舞之祥;俯视侯封,棋布星罗之势。万斛转东南之粟,财赋遥输;九关控西北之边,威棱远慑。右太行而左碣石,前沧海而后居庸,固已雄视秦州,基恢洛邑。千百国朝宗之盛,简编宜有成书;亿万年祚世之长,纪载端资博考。然而丛编少确,古籍多湮。《燕国春秋》,第传名于《墨子》;《幽都图志》,空著目于《隋书》。管诤窥天,转滋疑于耳食;锥宁指地,徒自牖于面墙。从未有有功成巍焕,识大而识小无遗,治洽荡平,同轨与同文并盛如今日者也。钦惟皇帝陛下,天亶乾行,日升离照。平泰阶而光宅,星云河岳之珍符;正鼎位以凝基,风雨阴阳之和会。绍衣纁绪,扩缔构于龙兴;握纽恢紘,奠纲维于鳌纪。雁臣绝塞,款关而覲展来庭;象译殊方,辟地而屯开列障。礼乐际百年之会,民物阜昌;图书集四库之成,圣明述作。志籍重修一统,山庄更上塞成编;輿经详定九畿,镐邑则留都备辑。惟向明首出,天中之景命方新;而典学余闲,日下之传闻订旧。史臣手录,彝尊著有专书;家学踵成,昆田补其剩简。谓其功勤摭拾,如胶百衲之琴;嘉其力费爬梳,似集千狐之腋。别一十三门之鳞次,思茹古以涵今;采千六百种于毫端,快枕经而荏史。雄关绝嶂,策屐登临;名利高台,按图指索。认籀文于甫草,最详同马攻车;剔碑版于荒苔,尽访吉金贞石。道古瀛洲之暇,藤屋轴芸;曝书长水之乡,笛渔削稿。然而称名失实,不无误宝康瓠;爱博难专,未免见遗荆璞。语洪纤之条贯,挂漏滋多;况方位之迁移,参差互出。景物载刘侗之略,岁月都非;街衢仍张爵之编,阊阖已改。千钧玉瓮,久归别殿之储;万石金钟,屡易精蓝之制。每旧存而新轶,慈仁则寺少双松;或昔晦而今彰,希宪则堂寻万柳。成均猎碣,何容别立专门?武库星谣,诎足登诸大雅?况复羲文轩策,宜扬纠纆之天章;松栝云窗,应载辉煌之睿藻。游豫园林之胜,不宜列以“郊垞”;清严府寺之曹,未可厕诸“城市”。此则拘墟多陋,握铅槩而难工,胪采虽繁,究瑜瑕之不掩者也。我皇上特命廷臣,重厘旧志,俾搜罗于故实,用审定夫曩篇。体制须严,在先明其条例;折衷至当,悉仰荷夫纶言。发山经水志以考详,合晷景星图而细勘。九重轮奂,全登宫史之编;三馆研摩,译准国书之字。志壶天于上苑,文沼灵台;详靡字于诸司,槐厅棘院。通都九市十三门,则轂击星街;神策五营廿四旗,则翼分卦位。若夫郊坛庙社,学校农桑,敬天法祖之念,钦若常昭,体国经野之谟,厘然具在。一代之典章制度,扬景铄而颂文明;兆民之旧德先畴,乐清宁而浴膏泽。彼葛洪之杂记,未有闻焉;即应劭之旧仪,方斯蔑矣。而且万幾游艺,疑事必稽;乙览披函,谰言务正。访遗踪于琼岛,何关塞外之山;辟迂论于金河,试证井华之水。名更八景,泉岂垂虹;派演万源,河知号凤。音随误读,辨传疑于裂帛之湖;地袭佳名,笑附会于钓璜之渚。鹰台呼处,荒基莫指仁虞;鹫岭飞来,示像谁闻天竺?凡此千秋传信,订讹悉秉夫圣裁;更以万象陶熔,即事多形于睿咏。敷陈据典,敬登首见之篇;考核研精,许附下方之案。臣等识惭测海,才愧研京。朵殿云霞,幸趋跼于禁近;斗城霄汉,瞻壮丽于宸居。承诏命而兢惶,愧见闻之固陋。发篋浩如烟海,难期竟委穷源;操觚宽以岁时,敢曰事增文减?州居部次,半仍旧贯之辞;类别区分,两补新题之目。尾躔龙而宿曜,荣光上动星文;骨市骏而风雄,

古迹远追世纪。河山襟带，金汤之形势长留；轩陛堂皇，栋宇之经营毕具。分九衢而雄万雉，骈闐百货之场；远六遂而近四郊，环拥五云之气。千里封圻斥衍，惟民乐止于京畿；一时官守羁縻，在昔沿名于侨治。边障则险由天设，榆塞松关；版图则齿验生繁，歌衢舞巷。风仍淳朴，渐摩被德化之成；物自蕃昌，华实擅上腴之利。至若琐文轶事，终《杂缀》而别附《存疑》；加以创例新裁，增《苑囿》而更添《官署》。总其成数，十五类囊括斯全；视彼原书，卅二卷帙赢过半。浸菑时而泽谿养，职方之纪地加详；环裨海而首神州，驹衍之谈天孰据。灿罗胸之典故，应资作赋之才；胜指掌之舆图，用备洽闻之助。春满皇州景象，天上恩多；人依帝里光华，长安日近。建铜圭而纪盛，思总括乎九经九纬之全；仰轩镜以高悬，备多识于一物一名之细。伏愿奎照权衡，天言弁冕。颁垂秘阁，采风陈诵训之书；嘉惠艺林，润色佐论都之笔。从此拱神京之百二，自合梯航玉帛以偕徕；弼成服者五千，直统侯甸要荒而莫外。太平寰宇，金瓯增白阜之图；广内承明，玉府焕丹函之秘。臣等无任瞻天仰圣感激屏营之至。谨奉《日下旧闻考》一百六十卷目录一卷，随表恭进以闻。

## 提 要

《日下旧闻》，清朱彝尊(1629~1709)编撰。彝尊号竹垞，浙江秀水人。康熙十八年开博学鸿儒科以布衣入选，授检讨。二十年，充日讲起居注官，入值南书房。他博学多识、擅长诗词，著述有《经义考》，编有《词综》。与顾贞观、陈维崧为清初词坛三大家。《日下旧闻》系朱彝尊在一千六百多种古籍中，选录历代有关北京的记载和资料，于康熙二十五年编辑而成。分十三门，四十二卷。《日下旧闻考》是奉乾隆帝之命，据《日下旧闻》加以增补、考证而成，由大学士于敏中、英廉领衔编纂，窦光鼐、朱筠、潘曾起、吴锡麟等实际编辑，故原名有“钦定”二字。此书于乾隆五十至五十二年刻版出书，计一百六十卷，沿用《日下旧闻》编次目录，内容、篇幅增加约三倍，包括“原”、“补”、“增”三类，“原”是朱彝尊原有内容，“补”是朱彝尊之子朱昆田补充的内容，“增”是乾隆时增加的内容。

《日下旧闻考》内容丰富，从古碑、残碣、旧籍中搜集、保存多种史料，实地核对，详加考证，记述了北京历史地理变迁由来、宫殿坛庙兴废始末，及城坊名胜题名原委等。不少古籍已佚，赖此保留史实。编者态度严谨，对于一些疑难问题，历史上有争议的观点，在按语中写明缘由，做出中肯的判断。不少考证确切精密，有很高的学术价值，是了解、研究北京历史变迁、人文典章以及宫廷制度等的重要资料。

本书据原标本点校重印，原书“原”、“补”、“增”三类所用方框黑体阴文标识，现一律改为六角括号阳文。

## 日下旧闻考目录

|            |    |                   |    |
|------------|----|-------------------|----|
| <b>卷 一</b> |    | <b>国朝宫室</b> ..... | 63 |
| 星土 .....   | 1  | <b>卷 十</b>        |    |
| <b>卷 二</b> |    | <b>国朝宫室</b> ..... | 67 |
| 世纪 .....   | 5  | <b>卷十一</b>        |    |
| <b>卷 三</b> |    | <b>国朝宫室</b> ..... | 71 |
| 世纪 .....   | 15 | <b>卷十二</b>        |    |
| <b>卷 四</b> |    | <b>国朝宫室</b> ..... | 73 |
| 世纪 .....   | 21 | <b>卷十三</b>        |    |
| <b>卷 五</b> |    | <b>国朝宫室</b> ..... | 79 |
| 形胜 .....   | 29 | <b>卷十四</b>        |    |
| <b>卷 六</b> |    | <b>国朝宫室</b> ..... | 84 |
| 形胜 .....   | 36 | <b>卷十五</b>        |    |
| <b>卷 七</b> |    | <b>国朝宫室</b> ..... | 89 |
| 形胜 .....   | 47 | <b>卷十六</b>        |    |
| <b>卷 八</b> |    | <b>国朝宫室</b> ..... | 94 |
| 形胜 .....   | 58 | <b>卷十七</b>        |    |
| <b>卷 九</b> |    | <b>国朝宫室</b> ..... | 99 |

|                |     |                    |     |
|----------------|-----|--------------------|-----|
| <b>卷十八</b>     |     | <b>宫室(明四).....</b> | 226 |
| 国朝宫室.....      | 105 | <b>卷三十七</b>        |     |
| <b>卷十九</b>     |     | 京城总纪.....          | 235 |
| 国朝宫室.....      | 110 | <b>卷三十八</b>        |     |
| <b>卷二十</b>     |     | 京城总纪.....          | 242 |
| 国朝宫室(雍和宫)..... | 113 | <b>卷三十九</b>        |     |
| <b>卷二十一</b>    |     | 皇城.....            | 248 |
| 国朝宫室(西苑一)..... | 115 | <b>卷四十</b>         |     |
| <b>卷二十二</b>    |     | 皇城.....            | 254 |
| 国朝宫室(西苑二)..... | 123 | <b>卷四十一</b>        |     |
| <b>卷二十三</b>    |     | 皇城.....            | 259 |
| 国朝宫室(西苑三)..... | 128 | <b>卷四十二</b>        |     |
| <b>卷二十四</b>    |     | 皇城.....            | 267 |
| 国朝宫室(西苑四)..... | 135 | <b>卷四十三</b>        |     |
| <b>卷二十五</b>    |     | 城市(内城中城一).....     | 274 |
| 国朝宫室(西苑五)..... | 144 | <b>卷四十四</b>        |     |
| <b>卷二十六</b>    |     | 城市(内城中城二).....     | 283 |
| 国朝宫室(西苑六)..... | 150 | <b>卷四十五</b>        |     |
| <b>卷二十七</b>    |     | 城市(内城东城一).....     | 290 |
| 国朝宫室(西苑七)..... | 155 | <b>卷四十六</b>        |     |
| <b>卷二十八</b>    |     | 城市(内城东城二).....     | 298 |
| 国朝宫室(西苑八)..... | 160 | <b>卷四十七</b>        |     |
| <b>卷二十九</b>    |     | 城市(内城东城三).....     | 304 |
| 宫室(辽金).....    | 164 | <b>卷四十八</b>        |     |
| <b>卷三十</b>     |     | 城市(内城东城四).....     | 313 |
| 宫室(元一).....    | 174 | <b>卷四十九</b>        |     |
| <b>卷三十一</b>    |     | 城市(内城南城).....      | 325 |
| 宫室(元二).....    | 182 | <b>卷五十</b>         |     |
| <b>卷三十二</b>    |     | 城市(内城西城一).....     | 332 |
| 宫室(元三).....    | 191 | <b>卷五十一</b>        |     |
| <b>卷三十三</b>    |     | 城市(内城西城二).....     | 340 |
| 宫室(明一).....    | 202 | <b>卷五十二</b>        |     |
| <b>卷三十四</b>    |     | 城市(内城西城三).....     | 348 |
| 宫室(明二).....    | 209 | <b>卷五十三</b>        |     |
| <b>卷三十五</b>    |     | 城市(内城西城四).....     | 355 |
| 宫室(明三).....    | 218 | <b>卷五十四</b>        |     |
| <b>卷三十六</b>    |     | 城市(内城北城).....      | 364 |

|                                                   |     |                                                |     |
|---------------------------------------------------|-----|------------------------------------------------|-----|
| <b>卷五十五</b>                                       |     |                                                |     |
| 城市(外城中城).....                                     | 375 | 官署(领侍卫府 銮仪卫 八旗都统 前<br>锋统领 护军统领 圆明园总统)<br>..... | 512 |
| <b>卷五十六</b>                                       |     |                                                |     |
| 城市(外城东城).....                                     | 382 | <b>卷七十三</b>                                    |     |
| <b>卷五十七</b>                                       |     | 官署(步军统领 火器营 健锐营)<br>.....                      | 520 |
| 城市(外城南城一).....                                    | 387 | <b>卷七十四</b>                                    |     |
| <b>卷五十八</b>                                       |     | 国朝苑囿(南苑一).....                                 | 526 |
| 城市(外城南城二).....                                    | 393 | <b>卷七十五</b>                                    |     |
| <b>卷五十九</b>                                       |     | 国朝苑囿(南苑二).....                                 | 534 |
| 城市(外城西城一).....                                    | 400 | <b>卷七十六</b>                                    |     |
| <b>卷六十</b>                                        |     | 国朝苑囿(畅春园).....                                 | 539 |
| 城市(外城西城二).....                                    | 411 | <b>卷七十七</b>                                    |     |
| <b>卷六十一</b>                                       |     | 国朝苑囿(乐善园).....                                 | 545 |
| 城市(外城北城).....                                     | 422 | <b>卷七十八</b>                                    |     |
| <b>卷六十二</b>                                       |     | 国朝苑囿(西花园 圣化寺).....                             | 550 |
| 官署(宗人府 内阁 中书科).....                               | 428 | <b>卷七十九</b>                                    |     |
| <b>卷六十三</b>                                       |     | 国朝苑囿(泉宗庙).....                                 | 553 |
| 官署(吏部 户部 礼部 兵部 刑部<br>工部 理藩院 都察院 通政使司<br>大理寺)..... | 434 | <b>卷八十</b>                                     |     |
| <b>卷六十四</b>                                       |     | 国朝苑囿(圆明园一).....                                | 558 |
| 官署(太常寺 翰林院 詹事府).....                              | 444 | <b>卷八十一</b>                                    |     |
| <b>卷六十五</b>                                       |     | 国朝苑囿(圆明园二).....                                | 564 |
| 官署(光禄寺 太仆寺 顺天府 鸿胪寺)<br>.....                      | 454 | <b>卷八十二</b>                                    |     |
| <b>卷六十六</b>                                       |     | 国朝苑囿(圆明园三).....                                | 572 |
| 官署(国子监).....                                      | 461 | <b>卷八十三</b>                                    |     |
| <b>卷六十七</b>                                       |     | 国朝苑囿(长春园).....                                 | 577 |
| 官署(国子监).....                                      | 467 | <b>卷八十四</b>                                    |     |
| <b>卷六十八</b>                                       |     | 国朝苑囿(清漪园).....                                 | 582 |
| 官署(石鼓考附).....                                     | 474 | <b>卷八十五</b>                                    |     |
| <b>卷六十九</b>                                       |     | 国朝苑囿(静明园).....                                 | 589 |
| 官署(石鼓考附).....                                     | 486 | <b>卷八十六</b>                                    |     |
| <b>卷七十</b>                                        |     | 国朝苑囿(静宜园一).....                                | 599 |
| 官署(石鼓考附).....                                     | 498 | <b>卷八十七</b>                                    |     |
| <b>卷七十一</b>                                       |     | 国朝苑囿(静宜园二).....                                | 605 |
| 官署(钦天监 太医院 内务府).....                              | 505 | <b>卷八十八</b>                                    |     |
| <b>卷七十二</b>                                       |     | 郊圻(东一).....                                    | 615 |
|                                                   |     | <b>卷八十九</b>                                    |     |
|                                                   |     | 郊圻(东二).....                                    | 625 |

|              |     |
|--------------|-----|
| <b>卷九十</b>   |     |
| 郊垞(南).....   | 634 |
| <b>卷九十一</b>  |     |
| 郊垞(西一).....  | 643 |
| <b>卷九十二</b>  |     |
| 郊垞(西二).....  | 647 |
| <b>卷九十三</b>  |     |
| 郊垞(西三).....  | 652 |
| <b>卷九十四</b>  |     |
| 郊垞(西四).....  | 658 |
| <b>卷九十五</b>  |     |
| 郊垞(西五).....  | 665 |
| <b>卷九十六</b>  |     |
| 郊垞(西六).....  | 670 |
| <b>卷九十七</b>  |     |
| 郊垞(西七).....  | 676 |
| <b>卷九十八</b>  |     |
| 郊垞(西八).....  | 681 |
| <b>卷九十九</b>  |     |
| 郊垞(西九).....  | 686 |
| <b>卷一百</b>   |     |
| 郊垞(西十).....  | 693 |
| <b>卷一百一</b>  |     |
| 郊垞(西十一)..... | 701 |
| <b>卷一百二</b>  |     |
| 郊垞(西十二)..... | 707 |
| <b>卷一百三</b>  |     |
| 郊垞(西十三)..... | 712 |
| <b>卷一百四</b>  |     |
| 郊垞(西十四)..... | 720 |
| <b>卷一百五</b>  |     |
| 郊垞(西十五)..... | 730 |
| <b>卷一百六</b>  |     |
| 郊垞(西十六)..... | 735 |
| <b>卷一百七</b>  |     |
| 郊垞(北).....   | 743 |
| <b>卷一百八</b>  |     |

|                |     |
|----------------|-----|
| 京畿(通州一).....   | 752 |
| <b>卷一百九</b>    |     |
| 京畿(通州二).....   | 759 |
| <b>卷一百十</b>    |     |
| 京畿(通州三).....   | 765 |
| <b>卷一百十一</b>   |     |
| 京畿(三河).....    | 773 |
| <b>卷一百十二</b>   |     |
| 京畿(武清).....    | 776 |
| <b>卷一百十三</b>   |     |
| 京畿(宝坻 宁河)..... | 784 |
| <b>卷一百十四</b>   |     |
| 京畿(蓟州一).....   | 788 |
| <b>卷一百十五</b>   |     |
| 京畿(蓟州二).....   | 795 |
| <b>卷一百十六</b>   |     |
| 京畿(蓟州三).....   | 801 |
| <b>卷一百十七</b>   |     |
| 京畿(蓟州四).....   | 808 |
| <b>卷一百十八</b>   |     |
| 京畿(香河).....    | 814 |
| <b>卷一百十九</b>   |     |
| 京畿(霸州一).....   | 816 |
| <b>卷一百二十</b>   |     |
| 京畿(霸州二).....   | 822 |
| <b>卷一百二十一</b>  |     |
| 京畿(保定).....    | 826 |
| <b>卷一百二十二</b>  |     |
| 京畿(文安).....    | 830 |
| <b>卷一百二十三</b>  |     |
| 京畿(大城).....    | 837 |
| <b>卷一百二十四</b>  |     |
| 京畿(固安).....    | 840 |
| <b>卷一百二十五</b>  |     |
| 京畿(永清).....    | 845 |
| <b>卷一百二十六</b>  |     |
| 京畿(东安).....    | 849 |

|                 |     |                  |      |
|-----------------|-----|------------------|------|
| <b>卷一百二十七</b>   |     | <b>卷一百四十四</b>    |      |
| 京畿(涿州一).....    | 855 | 京畿附编(玉田 丰润)..... | 971  |
| <b>卷一百二十八</b>   |     | <b>卷一百四十五</b>    |      |
| 京畿(涿州二).....    | 862 | 户版.....          | 978  |
| <b>卷一百二十九</b>   |     | <b>卷一百四十六</b>    |      |
| 京畿(涿州三).....    | 869 | 风俗.....          | 981  |
| <b>卷一百三十</b>    |     | <b>卷一百四十七</b>    |      |
| 京畿(房山一).....    | 875 | 风俗.....          | 987  |
| <b>卷一百三十一</b>   |     | <b>卷一百四十八</b>    |      |
| 京畿(房山二).....    | 882 | 风俗.....          | 993  |
| <b>卷一百三十二</b>   |     | <b>卷一百四十九</b>    |      |
| 京畿(房山三).....    | 890 | 物产.....          | 997  |
| <b>卷一百三十三</b>   |     | <b>卷一百五十</b>     |      |
| 京畿(良乡).....     | 896 | 物产.....          | 1006 |
| <b>卷一百三十四</b>   |     | <b>卷一百五十一</b>    |      |
| 京畿(昌平一).....    | 904 | 物产.....          | 1012 |
| <b>卷一百三十五</b>   |     | <b>卷一百五十二</b>    |      |
| 京畿(昌平二).....    | 910 | 边障.....          | 1018 |
| <b>卷一百三十六</b>   |     | <b>卷一百五十三</b>    |      |
| 京畿(昌平三).....    | 918 | 边障.....          | 1026 |
| <b>卷一百三十七</b>   |     | <b>卷一百五十四</b>    |      |
| 京畿(昌平四).....    | 923 | 边障.....          | 1033 |
| <b>卷一百三十八</b>   |     | <b>卷一百五十五</b>    |      |
| 京畿(顺义).....     | 940 | 存疑.....          | 1045 |
| <b>卷一百三十九</b>   |     | <b>卷一百五十六</b>    |      |
| 京畿(怀柔).....     | 945 | 存疑.....          | 1052 |
| <b>卷一百四十</b>    |     | <b>卷一百五十七</b>    |      |
| 京畿(密云一).....    | 951 | 杂缀.....          | 1058 |
| <b>卷一百四十一</b>   |     | <b>卷一百五十八</b>    |      |
| 京畿(密云二).....    | 956 | 杂缀.....          | 1064 |
| <b>卷一百四十二</b>   |     | <b>卷一百五十九</b>    |      |
| 京畿(平谷 侨治附)..... | 961 | 杂缀.....          | 1069 |
| <b>卷一百四十三</b>   |     | <b>卷一百六十</b>     |      |
| 京畿附编(遵化).....   | 967 | 杂缀(原序附后).....    | 1075 |

## 日下旧闻考卷一

### 星 土

〔臣等谨按〕自《周礼》保章氏以星土辨九州之地，而后世之言分野者，或以中宫斗杓，或以二十八宿，或以天市垣，或以五星，至唐一行则又创为山河两戒之说，众议纷繁，立论各殊。按唐杜佑分野议，谓以国之分野，上酌天象，始于周季。然其可疑者，如，周敬王、鲁哀公之时，吴为越所灭，其后六十九年，始命韩、赵、魏为诸侯，又十七年，三国始分晋地，又五十六年，越为楚灭。当吴未亡时，列国尚有数十，韩、魏、赵又未为诸侯。自吴灭至分晋，凡八十八年。时既不同，何以预分十二国之躔次？乃班固《汉书·地理志》、皇甫谧《帝王世纪》则分区域以配星躔，取不同时之十二国强配之，实所未审。又如，房屋为宋分野，东平、须昌、寿张属焉，然其地在济东属鲁，本非宋分。又如，星纪躔次为吴、越分野，然星纪在于东北，而吴、越实在东南。至其地分则或多或少，鹑首极多，鹑火极狭，盖甘、石之书本由假托，后人附会，益属支离。郑康成有言：“九州分野之书既亡，后世堪舆所言，易涉于诞。”是以星分域，汉时已疑之矣。朱彝尊原书宗志书之例，广为引据，列《星土》于卷首，亦沿袭前人之说。今仍存其旧本，而于征引脱略之处，更采诸书以广其未备焉。

〔原〕北斗七星，是谓帝车，运乎中央，而临制四方。六曰开阳，亦曰应星，主木，主燕。《《大象列星图》》

〔臣等谨按〕《史记》《隋唐》及《通志》亦作“开阳”。《星经》及宋《天文志》作“閼阳”。又按《博雅》：“璇为冀州，开阳为梁州。”

〔臣等又按〕朱彝尊原书所载，如斗宫、天市垣、二十八宿、山河两戒、五纬诸家之说，征引既多，叙次未免舛杂。今详加厘正，分门类叙，其灵征则附于卷末云。

〔增〕北斗七星，石氏云：“五主燕。”《隋志》：“六主燕。”（《辰象考》）

〔增〕刘昭《后汉书补注》：“璇玑者，北极星也，玉衡者，斗九星也，八为幽州。”按《春秋纬》：“二，冀州。”（同上）

〔增〕中宫七星，五主土，主燕。《《群书考索》》

〔原〕玉衡第八星主幽州，常以五寅日候之。《《史记·天官书》》

〔原〕壬，燕、赵。亥，燕、代。《《汉书·天文志》》

〔增〕戌，赵。亥，燕。《《淮南子》》

〔臣等谨按〕《淮南子》及《博雅》载“戌，赵；亥，燕”，与汉《天文志》互异。或以其犬牙相错相近之土兼言之也。

〔原〕天市垣二十二星，东西列各十一星，其东垣南第三星曰燕。《《宋两朝天文志》》

〔臣等谨按〕《星经》天市图第二星为燕，与《宋两朝天文志》互异。

〔增〕天市垣古歌曰：“燕连南海尽属宋。”西歌曰：“南海与燕为雁行。”（《《中西星经同异考》》）

〔增〕天市垣二十二星，左藩燕。《《邹淮历书》》

〔原〕楚南一星曰燕，有变动，以其国占之。《《宋史·天文志》》

〔增〕十二国十六星在须女南。《隋志》：“楚南一星曰燕。”按今监中图，韩东南一星曰燕。《《辰象考》》

〔增〕 天市垣燕一星在楚星南。《《通占大象列星经》》

〔原〕 苍龙七宿，有尾有箕，氏胸房腹，箕所箕也。《《星经》》

〔原〕 尾九星，如钩苍龙尾。箕四星，形状如簸箕。《《丹元子步天歌》》

〔增〕 西歌曰：“接心是尾九点曲，卓如衣角飘风前。箕星有四明相等，大口如箕正向西。”《《中西星经同异考》》

〔增〕 尾亦为九子星。箕亦曰天津，一曰天鸡。《《晋书·天文志》》

〔补〕 尾为九子。箕为散客。《《史记·天官书》》

〔补〕 尾有七星，形如蝎尾。箕有四星，形如牛角。《《法苑珠林》》

〔补〕 箕、尾之间谓之九江口。《《观象玩占》》

〔增〕 宋均云：“尾属后宫场，故得兼子。子必九者，取尾有九星也。”《《元命苞》》云：“尾九星，箕四星，为后宫之场也。”《《史记索隐》》

〔增〕 宋均云：“箕以簸扬调弄为象，又受物，有去之来之之象也。”《《诗》》云：“维南有箕，载翕其舌。”又《《诗纬》》云：“箕为天口，主出气。”是箕有舌，象谗言。故《《诗》》曰：“哆兮侈兮，成是南箕。”为散客行请谒也。（同上）

〔增〕 尾、箕：尾为析木之津，于辰在寅，燕之分野。尾九星为后宫，亦为九子星，近心。第一星为后妃，次三星并为次三嫔，末二星为妾。箕主八风，亦后妃之府也。《《史记正义》》

〔原〕 箕星散为幽州，分为燕国。《《春秋元命苞》》

〔原〕 箕、尾为燕。《《春秋说题辞》》

〔增〕 星部地名，尾、箕，燕。《《淮南子》》

〔增〕 尾、箕，幽州。《《史记·天官书》》

〔增〕 燕故治，今上渔阳、右北平、辽东、莫郡、幽州也。《《越绝书》》

〔增〕 燕，星得尾、箕。《《山河两戒考注》》

〔原〕 汉永元铜仪尾十八度，开元游仪、景祐测验同。永元铜仪箕十度，景祐测验同，开元游仪十一度。《《宋史·天文志》》

〔原〕 尾，汉《太初历》洛下閤所测十八度，宋皇祐所测十九度，崇宁所测十九度少，元《授时历》郭守敬所测十九度十分。箕，《太初历》十一度，皇祐所测十度，元丰所测十一度，崇宁所测十度半，《授时历》所测十度四十分。《《古今律历考》》

〔原〕 分度，尾十八，箕十一四分之一。《《淮南子》》

〔增〕 尾十八度。箕十一度。《《天象志》》

〔增〕 尾十星，十八度。箕四星，九度。《《广雅》》

〔增〕 尾宿一，黄道经度十一宫一十度五十四分，黄道纬度南一十五度等四。箕宿一，黄道经度十一宫二十六度五十分，黄道纬度南六度五十六分等三。《《历象考成》》

〔增〕 尾宿一，赤道经度十一宫六度四十二分，赤道纬度南三十六度五十七分。箕宿一，赤道经度十一宫二十六度二十一分，赤道纬度南三十度二十三分。（同上）

〔臣等谨按〕 历代以来测量恒星分度，但就本宿所离推刻，未有以黄道、赤道为之析其经度之毫发者，是以远自汉《太初历》，下至元、明司天诸家，互有阔狭多寡之殊异。我朝圣祖仁皇帝御制《历象考成》一书，用黄赤经纬互推，乃得二十八宿度分之准。兹载尾、箕分星，具列其数于下，于以仰见天道至精，法益详尽，蔑以加矣。

〔增〕 尾、箕：康熙壬子年，赤道积度，尾一十九度九分，箕一十度三十六分。黄道积度，尾一十五度三十六分，箕九度二十分。《《恒星纪要》》

〔原〕 刘向言地分：“燕地，尾、箕之分野也。”“自尾四度至斗六度谓之析木之次，燕之分也。”《《汉书·地理志》》

〔原〕 自尾十度至斗七度百三十五分而终，曰析木之次，于辰在寅，谓之摄提格，于

律为应钟，斗建在亥，今燕分野。（《帝王世纪》）

〔臣等谨按〕《帝王世纪》作“自尾十度至斗七度”。《汉书》作“危”字，误，今改正。

〔原〕陈卓谓尾、箕：“燕幽也，自尾十至南斗十一。”费直谓“起尾九”。蔡邕谓“起尾四”。（《玉海》）

〔增〕尾九星去极一百二十七度半，箕四星距西北星，去极一百二十一度半。（《宋两朝天文志》）

〔原〕自尾十度至南斗十一度为析木，于辰在寅，燕之分野，属幽州。陈卓、范蠡、鬼谷先生、张良、诸葛亮、谯周、京房、张衡并云：尾、箕，燕，幽州，上谷入尾一度，渔阳入尾三度，右北平入尾七度，涿郡入尾十六度，广阳入箕九度。（《晋书·天文志》）

〔增〕北京之北平府，尾、箕分。涿、通、蓟三州，皆尾分。（《明史·天文志》）

〔原〕尾、箕，析木津也。初，尾七度。中，箕五度。终，南斗八度。（《新唐书·天文志》）

〔原〕幽州，星分尾、箕。涿州，星分尾宿十六度。蓟州，星分尾宿三度。霸州，星分箕、尾。燕州，星分尾、斗。（《太平寰宇记》）

〔增〕尾、箕，析木之次也。寅初起尾七度，二千七百五十，二十一少。中箕星五度，三百七十，六十七。终斗八度。其分野，河间、涿郡、广阳国及上谷、渔阳，古之北燕。（《旧唐书·天文志》）

〔原〕宛平、大兴、良乡，尾一度。通州、三河、武清，尾二度。昌平、顺义、密云、怀柔，尾三度。涿州、房山、霸州、文安，尾四度。丰润、玉田、蓟州、保定，尾五度。遵化、平谷，尾七度。（《清类天文分野之书》）

〔增〕《汉书·地理志》：“燕地，尾、箕分野也。”今蓟州、通州。“南得涿郡之易（今州）、容城（今县）、范阳（在今易州）、故安（在今易州）、涿县（今州）、良乡（今县）及渤海之安次（今东安县）。”（《辰象考》）

〔原〕尾、箕星曰析木，宫曰人马，时曰寅，州曰幽。（《历代地理指掌图》）

〔原〕第五尾四足，箕四足，斗一足，在寅，岁星位焉，其神如弓，故曰“人马宫”。（《文殊所说善恶宿曜经》）

〔增〕寅为析木，燕之分，自尾十度至斗十一度。（《唐六典》）

〔原〕析木谓之津，箕、斗之间汉津也。（《尔雅》）

〔原〕析别水、木以箕、斗之间，是天汉之津也。（《尔雅孙炎注》）

〔原〕析木之津，刘炫谓是天汉，即天河也，在箕、斗二星之间。箕在东方，木位；斗在北方，水位。分析水木，以箕星为隔，隔河须津梁以渡，故谓此次为析木之津也。（《尔雅疏》）

〔增〕天汉起东方箕、尾之间，谓之天河，亦谓之汉津。（《通志》）

〔原〕析木，燕之分星，幽州之星土也。（《周礼总义》）

〔原〕天汉起东方，经尾、箕之间，谓之汉津。（《晋书·天文志》）

〔原〕析津本晋蓟县，改蓟北县，开泰元年更今名，以燕分野旅寅为析木之津故。（《辽史·地理志》）

〔臣等谨按〕“分野旅寅”本属汉文，旧《辽史国语解》妄摘“野旅寅”三字为国语，依字解释，原书误载，今删。

〔原〕星度分野十二次，东西南北相反者四，疑似者七，所可据者其惟析木乎。其宿尾、箕，亦艮之维，燕可以言东北也。（《乐轩集》）

〔原〕析木为云汉末派，山河极焉。故其分野，自北河末派，穷北纪之曲，东北负海，为析木。负海者，以其云汉之阴也。（《新唐书·天文志》）

〔原〕大梁、析木以负北海，其神主于恒山，辰星位焉。（同上）

〔增〕尾、箕，析木津也。初，尾七度。中，箕五度。自渤海、九河之北，得汉河间、涿郡、广阳及上谷、渔阳。尾得云汉之末派，龟、鱼丽焉。箕与南斗相近，为辽水之阳。（同上）

〔增〕唐《占经》曰：“尾，东方木宿之末；斗，北方水宿之初。次在其间，分析水木，故曰析木。”（《山河两戒考注》）

〔原〕古之人有以天河断两界者。天犹卵也，经星之次环其四周，银河之所界者半，其余则天市太微位焉。故二十八舍，其附于河者三之二，沿之河以分其势，稽紫宫以定其余，有条有次。故秦虽西而位坤维之鹑首，云汉之升，两戒之道也。吴虽东南而位坤维之星纪，云汉之降，两戒之终也。燕穷北纪之曲，故以末派之析木为燕。盖星河之流起于井，终于箕，则南者反北，北者反南矣。（《鹰斋十一稿》）

〔原〕袁桄《司天台祭告尾宿文》：析木天津，燕都所次。维昔初基，相攸涂墍。民用不颇，益遐以治。灵台考古，庸启震悸。善言惟从，式致芬祀。（《清容居士集》）

〔增〕尾九星，十八度，在天市垣下河西。箕四星，七度半。（《山河两戒考注》）

〔增〕尾、箕，苍龙之末也，直寅。（同上）

〔增〕析木之津一名大招，一曰汉津。（同上）

〔原〕辰星主幽州。（《星经》）

〔原〕辰星，水精也。（《尚书考灵曜》）

〔原〕北方黑色，其类水，其应上为辰星。（《素问》）

〔补〕辰星，北方之位，黑帝之子。（《天官星占》）

〔增〕辰星，宰相之祥也，经一百里，亦偏将、廷尉象也。（同上）

〔增〕《广雅》云，“辰星谓之兔星”，则辰星之别名。兔，或作“兔”。（《史记索隐》）

〔增〕北方水，太阴之精，主冬，日壬、癸。刑失者，罚出辰星。（《史记·天官书》）

〔增〕兔七命，曰小正、辰星、天搀、安周星、细爽、能星、钩星。（同上）

〔增〕兔星凡有七名。命者，名也。小正，一也；辰星，二也；天搀，三也；安周星，四也；细爽，五也；能星，六也；钩星，七也。（《史记索隐》）

〔增〕兔五色，青圜忧，白圜丧，赤圜中不平，黑圜吉。赤角犯我城，黄角地之争，白角号泣之声。（《史记·天官书》）

〔增〕辰星理四时。宋均云：“辰星正四时之法，得与北辰同名也。”（《春秋元命苞》）

〔增〕辰星，晋灼云：“常以二月春分见奎、娄，五月夏至见东井，八月秋分见角、亢，十一月冬至见牵牛，出以辰、戌，入以丑、未，二旬而入。晨候之东方，夕候之西方也。”（《史记正义》）

〔补〕辰星一曰能星，一曰钩星，一曰兔星，一曰鼎星，一曰鬯星，一曰伺星。北方黑帝叶光纪之神，玄武之宿，水之精也。（《观象玩占》）

〔增〕七政第五曰伐水，谓辰星也。（《史记索隐》）

〔增〕辰星一曰细极，曰鬯星，曰伺祠。（《天官星占》）

〔增〕辰星色黑，比奎星大，小于岁星。（《宋中兴天文志》）

〔增〕辰星谓之钩星、兔星。（《博雅》）

〔原〕北方辰星，水生物布其纪。（《春秋元命苞》）

〔原〕燕、齐之疆候辰星，占虚、危。（《汉书·天文志》）

〔增〕辰星曰北方冬水。（《通志·天文略》）

〔增〕各星之光如云气者，水星之性。（《尚书释天注》）

〔增〕辰星主正四时，当效于四仲。（《山河两戒考注》）

〔原〕建武十二年正月己未，小星流百枚以上，或西北，或正北，或东北，二夜止。六月戊戌晨，小流星百枚以上，四面行。小星者，庶民之类。流行者，移徙之象也。后三年，

吴汉、马武徙雁门、代郡、上谷、关西县吏民六万余口，置常关、居庸关以东，以避寇。（《后汉书·天文志》）

〔原〕 景初元年十月壬申，太白昼见，在尾，历二百余日。占曰：“尾为燕，有兵。”时公孙渊自立为燕王，置百官，发兵拒守，宣帝讨灭之。（《文献通考》）

〔朱彝尊原按〕 陈氏《魏志》书“十月壬申，太白昼见”，乃在明帝青龙三年。至景初元年则书“秋七月辛卯，太白昼见”，“冬十月丁未，月犯荧惑”。以历推之，十月既书丁未，不应复直壬申，当以志为正也。

〔原〕 晋惠帝永兴元年七月庚申，太白犯角、亢，经房、心，历尾、箕。是年九月，王浚杀幽州刺史和演。穆帝永和八年六月辛巳，日未入，有流星大如三斗魁，从辰巳上，东南行。晷度推之，在箕、斗之间，燕分也。按占：“为营首。营首之下，流血滂沱。”是后慕容俊僭称大燕，攻伐无已。（《晋书·天文志》）

〔原〕 景星见箕、尾，而慕容德复燕，此分野之验也。（《礼经会元》）

〔补〕 天宝九载八月，五星聚于尾、箕，燕分也。占曰：“有德则庆，无德则殃。”（《新唐书·天文志》）

## 日下旧闻考卷二

### 世 纪

〔臣等谨按〕 朱彝尊原书“世纪”一门，征引颇为该博，而次序间有淆错。谨详加厘订，各按时代，以类编次。其杂引注说、诗文，各依类附列于下。原书义有未尽者，则为旁采他书，备参考焉。

〔原〕 轩辕教熊、黑、貔、貅、貙、虎，以与炎帝战于阪泉之野，蚩尤不用帝命。（《史记·五帝本纪》）

〔增〕 黄帝乃征师诸侯，与蚩尤战于涿鹿之野，遂擒杀蚩尤。而诸侯咸尊轩辕为天子，代神农氏。（同上）

〔原〕 黄帝与蚩尤战于涿鹿之野，蚩尤作大雾，兵士皆迷。于是作指南车以示四方，遂擒蚩尤而即帝位，故后常建焉。（《古今注》）

〔原〕 黄帝氏平蚩尤，因大雾，作指南车，饰以文玉，其文作蚩尤形。车饰以黍尺度高一尺四寸二分，下长七寸四分，管立木口，圆径三寸四分。琢玉为人形，手常指南。足底通圆窍作旋转轴，踏于蚩尤之上。（《古玉图考》）

〔原〕 黄帝用车战，蚩尤用骑战。蚩尤作雾，黄帝作指南车。（《广博物志》）

〔原〕 黄帝执蚩尤，杀之于中冀，名之曰“绝讐之野”。（《汲冢周书》）

〔原〕 蚩尤，庶人之贪者也。（《大戴礼记》）

〔原〕 涿鹿，竿人颡也。（《尚书刑德仿》）

〔原〕 帝既杀蚩尤，因立台榭。（《黄帝内传》）

〔原〕 李白《北风行》：烛龙栖寒门，光曜犹旦开。日月照之何不及此，惟有北风号怒天上来。燕山雪花大如席，片片吹落轩辕台。（《李翰林集》）

〔补〕 蚩尤兄弟八十一人，并兽身人语，铜头铁额，食砂石子，造五兵仗刀戟大弩，威振天下。（《龙鱼河图》）

〔补〕 葛卢之山发而出水，金从之。蚩尤受而制之，以为剑铠矛戟，是岁相兼者诸侯九。雍狐之山发而出水，金从之。蚩尤受而制之，以为雍狐之戟芮戈，是岁相兼者诸侯十二。（《管子》）

〔补〕 蚩尤作乱，逐帝而居于涿鹿。帝参卢弗能征，乃帅诸侯委命于有熊。于是暨

力牧、神皇、风后、邓伯温之徒，厉兵称旅，熊黑貔貅以为前行，雕鹗雁鹳以为旗帜，及尤噉兵涿鹿之山。（《路史》）

〔补〕 九黎之君号曰蚩尤。（《孔氏尚书传》）

〔补〕 蚩尤天符之神，状类不常，三代遗器多著其象。汉孔氏谓是“九黎之君”。考黄帝灭蚩尤于涿鹿之野，乃在北鄙，九黎三苗皆南蛮。蚩尤、九黎，非一种也。（《说略》）

〔补〕 画本以飞兽有肉翅者谓之蚩尤。（《古器图》）

〔补〕 蚩尤氏头有角，与黄帝斗，以角抵人。今冀州有乐名《蚩尤戏》，其民两两戴牛角而相抵。（《乐书》）

〔补〕 炎帝者，黄帝同母异父兄弟也，各有天下之半。黄帝行道而炎帝不听，故战于涿鹿之野。（《新书》）

〔补〕 黄帝与炎帝争斗涿鹿之野。将战，筮于巫咸。巫咸曰：“果哉而有咎。”（《归藏》）

〔补〕 蚩尤，炎帝之后，铜头啖石，飞空走险。以馘牛皮为鼓，九击而止之，尤不能飞走，遂杀之。（《广成子传》）

〔补〕 帝伐蚩尤，玄女为帝制夔牛鼓八十面，一震五百里，连震三千八百里。又为帝制司南车当其前，记里鼓车居其右。（《黄帝内传》）

〔原〕 帝令风后法斗机作指南车。（《志林》）

〔补〕 黄帝出师涿鹿，以枹鼓为警卫。其曲有十：一曰《震雷惊》，二曰《猛虎骇》，三曰《鸢鸟击》，四曰《龙媒磔》，五曰《灵夔吼》，六曰《雕鹗争》，七曰《壮士夺志》，八曰《熊黑哮吼》，九曰《石荡崖》，十曰《波荡壑》，并皆有辞。今亡考矣。（《云笈七签》）

〔补〕 蚩尤帅蚩蚩与黄帝战于涿鹿，帝命吹角为龙吟以御之。（《通礼义纂》）

〔补〕 蚩尤氏强，与榆罔争王于涿鹿之阿。黄帝使力牧、神皇直讨蚩尤氏，擒于涿鹿之野，使应龙杀之于凶黎之谷。“谷”一作“丘”。（《帝王世纪》）

〔补〕 蚩尤出自芊水，八肱八趾，疏首，登九淖以伐空桑。黄帝杀之于青丘。（《易坤灵图》）

〔补〕 蚩尤变幻多方，征风召雨，吹烟喷雾，黄帝师众大迷。王母乃命玄女授帝以三宫五音阴阳之略，太乙遁甲六壬步斗之术，阴符之机，灵宝五符五胜之文，遂克蚩尤于中冀。（《玄女兵法》）

〔补〕 蚩尤者，炎帝之后，故祭蚩尤文云：“将军敢以牲牢祭尔炎帝之裔蚩尤之神。”（《阴遁甲》）

〔补〕 蚩尤，人身牛蹄，四目六手。涿鹿间往往掘得髑髅如铜铁，蚩尤骨也。（《述异记》）

〔补〕 黄帝百战，百战之数，未尽闻也。与炎帝战于阪泉之野三，与蚩尤战于涿鹿之野七十二，其大略也。（《鹖冠子注》）

〔臣等谨按〕 朱昆田原引《鹖冠子注》，黄帝百战止七十五。考陆佃原注有“百战之数未尽闻”及“大略”句，不可删，今依原注补入。

〔补〕 赤帝为火灾，黄帝擒之。（《文子》）

〔补〕 黄帝之时，中黄直为将，破杀蚩尤。（《汉书》列传）

〔补〕 《史记》《逸周书》《大戴礼》《文子》所云炎帝、赤帝，皆谓蚩尤，而书传举以为榆罔，失之。（《路史》）

〔补〕 按《史记》云“诸侯相侵伐，蚩尤最为暴”，则蚩尤非为天子也。又《管子》曰“蚩尤受卢山之金而作五兵”，明非庶人，盖诸侯号也。（《史记索隐》）

〔补〕 蚩尤，古之诸侯，其性酷毒，故作五虐之刑，谓车裂人及烧铜柱使人抱，或使人缘之之类也。（《唐律释文》）

〔补〕蚩尤乱在幽州，其死在冀。（《路史注》）

〔补〕黄帝戮蚩尤，迁其民善者于邹屠，恶者于有北。《诗》云：“投畀有北，恶可知已。”（《国名纪》）

〔增〕赤帝命蚩尤字于少昊，以临西方。蚩尤乃逐帝，争于涿鹿之阿。（《逸周书》）

〔增〕涿鹿之野，常有五色云气，金枝玉叶，止于帝所，有葩华之象，因有华盖。（《古今注》）

〔增〕《山海经》云：“黄帝令应龙攻蚩尤，蚩尤请风伯、雨师以从，大风雨。黄帝乃下天女曰‘魃’，以止雨，遂杀蚩尤。”（《史记正义》）

〔增〕帝征蚩尤，七十一战不克，昼梦金人引领长头元狐之裘，云天帝使授符。帝寤，问诸风伯。曰：“天应也。”乃于盛水之阳筑坛，祭以太牢。有玄龟衔符至坛，非皮非绋，广三尺，袤一尺，文曰：“天乙在前，太乙在后。”帝再拜受符。乃设九宫，置八门，布三奇六仪，制阴阳遁甲式，三门发，五将具，遂斩蚩尤焉。（《太白阴经》）

〔朱昆田原按〕说蚩尤者不一。《孔子三朝记》《大戴礼记》以为庶人，孔氏、小司马氏以为诸侯，应劭以为古天子。或以为炎帝之后，或以为九黎之君。或谓杀之于中冀，或谓杀之于青丘，或谓杀之于凶黎之谷。传闻异辞，并存焉可也。

〔臣等谨按〕朱昆田并存诸说以备考异，似矣。但考《史记》，云“神农衰，诸侯相侵伐，神农氏弗能征，于是轩辕乃习用干戈以征不享，诸侯咸来宾从，而蚩尤最为暴，莫能伐”，则谓蚩尤为诸侯者近之。

〔原〕黄帝都于涿鹿。（《帝王世纪》）

〔增〕邑于涿鹿之阿。（《史记·五帝本纪》）

〔增〕《舆地志》云：“涿鹿，黄帝初都，迁有熊也。”（《史记正义》）

〔增〕黄帝都有熊，又迁涿鹿。（《通志·都邑略》）

〔臣等谨按〕《帝王世纪》：“黄帝都涿鹿。”或以为都涿鹿，迁有熊；或以为都有熊，迁涿鹿。今考《史记索隐》《正义》，皆以为黄帝有熊国君。皇甫谧谓“有熊，今河南新郑”，《路史》谓“有熊，帝之开国”。《舆地广记》云：“都非。”据此，则黄帝初国于有熊，而与蚩尤战于涿鹿之野为天子后，迁都于涿鹿之阿。《通志·都邑略》与《史记》合，似为可据。

〔原〕高阳氏谓之幽陵。（《辽史·地理志》）

〔增〕颛顼都于帝丘，其地北至幽陵。（《通典》）

〔原〕幽陵，犹幽州也。（《楚辞注》）

〔原〕帝尧申命和叔，宅朔方，曰幽都。（《尚书》）

〔原〕虞舜以天德嗣尧，布功散德，制礼朔方，幽都来服。（《大戴礼记》）

〔原〕北荒有幽都之山。（《山海经》）

〔补〕《鸿烈解》云：“西北方不周之山曰‘幽都之门’。”又曰：“北接幽都，南道交趾。”扬雄《甘泉赋》云：“西耀流沙，北炉幽都。”即朔方之幽都也。（《山海经广注》）

〔补〕幽都一曰北幽。（《国名纪》）

〔原〕流共工于幽州。（《尚书》）

〔臣等谨按〕幽州之名，始见于此。

〔原〕舜以冀州南北广大，分燕地北为幽州，因幽都以为名。（《晋地道记》）

〔增〕幽州因幽都山以为名也。（《通典注》）

〔增〕舜即位，以冀、青地广，始分冀东恒山之地为并州，其东北医无闾之地为幽州。（《尚书集注》）

〔原〕幽州在北，幽昧之地也。（《释名》）

〔原〕幽之为言窈也，言风出入窈冥，敏劲易挠，故其气躁也。（《春秋元命苞》）

〔原〕夏、殷省幽并冀。（《十道志》）